

Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 06-11-1159-21/23
Sarajevo, 09.01.2024. godine

Na osnovu člana 70. st. (1), (3) i (6) Zakona o javnim nabavkama ("Službeni glasnik Bosne i Hercegovine", broj 39/14 i 59/22), člana 8. stav (2) tačka d) Pravilnika o uspostavljanju i radu komisije za nabavke ("Službeni glasnik Bosne i Hercegovine", broj 103/14) na Preporuku Komisija za nabavku, broj: 06-11-1159-7/23 od 16.10.2023. godine, u postupku javne nabavke roba: "Termalna kamera", direktor Kantonalne uprave civilne zaštite Kantona Sarajevo, *donosi*

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavku, broj: 06-11-1159-18/23 od 04.01.2024. godine i ugovor o nabavci roba: "Termalna kamera", dodjeljuje se izabranom ponuđaču, SHOT d.o.o., ul. Zmajevačka cesta br. 55c, 72000 Zenica, za ponuđenu cijenu nakon provedene e - aukcije u iznosu od 59.480,00 KM bez PDV-a, kao najpovoljnijem ponuđaču.

Član 2.

Izabrani ponuđač je dužan dostaviti original ili ovjerenu kopiju dokumenta iz člana 45. stav (1) tačka a) do d) Zakona o javnim nabavkama u roku od 5 (slovima: pet) dana, računajući od dana kada je obaviješten o izboru najpovoljnije ponude.

Član 3.

Prijedlog Ugovora o nabavci dostavit će se na potpis izabranom ponuđaču nakon isteka roka od 15 (slovima: petnaest) dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka objavit će se na internet stranici Kantonalne uprave civilne zaštite Kantona Sarajevo (www.kucz.ks.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 5.

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom budžeta Kantona Sarajevo.

Član 6.

Ova Odluka stupa na snagu danom donošenja i dostavit će se u skladu sa članom 71. stav (2) ZJN svim ponuđačima koji su učestvovali u postupku javne nabavke.

Obrazloženje

Postupak javne nabavke roba: "Termalna kamera" pokrenut je Odlukom o pokretanju postupka javne nabavke broj: 06-11-1159/23 od 04.09.2023. godine.

Javna nabavka roba: "Termalna kamera" je provedena putem Otvorenog postupka javne nabavke, postavljanjem TD na Portal javnih nabavki i provođenjem e-aukcije.

Procijenjena vrijednost javne nabavke (bez uključenog PDV-a) je do 60.600,00 KM. Obavještenje o nabavci je objavljeno na Portalu javnih nabavki broj: 282-1-1-97-3-42/23, dana 08.09.2023. godine i ispravka obavještenja 282-1-1-97-8-44/23 od 14.09.2023. godine.

Komisija za nabavku, imenovana je Odlukom broj: 06-11-1159-1/23 od 04.09.2023. godine.

Komisija za javnu nabavku dostavila je direktoru Zapisnik o pregledu i ocjeni ponuda broj: 06-11-1159-6/23 od 09.10.2023. godine (zaključen dana 16.10.2023. godine), Preporuku o izboru najpovoljnijeg ponuđača broj: 06-11-1159-7/23 od 16.10.2023. godine i Izvještaj o radu broj: 06-11-1159-8/23 od 16.10.2023. godine, u postupku javne nabavke termalna kamera, a prema specifikaciji iz TD.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku ukupno zaprimljene četiri ponude,
- da je blagovremeno zaprimljeno četiri ponude,
- da nije bilo neblagovremeno dostavljenih ponuda,
- da je komisija uputila zahtjev ponuđačima E3 d.o.o. i NEXIS d.o.o. za pojašnjenje dokaza o ispunjavanju uslova iz čl. 45. do 51. ZJN,
- da su ponuđači E3 d.o.o. i NEXIS d.o.o. dostavili dokaze u skladu sa članom 68. stav (3) ZJN,
- da ponude ponuđača: NEXIS d.o.o., SHOT d.o.o., AGENCIJA KAMIR i E3 d.o.o. ispunjavaju kvalifikacione uslove za učešće na e-aukciji,
- da je dana 16.10.2023. godine održana e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik Bosne i Hercegovine“, broj 66/16), o čemu je Službenik za nabavke dostavio Komisiji generisani Izvještaj o toku i završetku e-aukcije,
- da je Komisija jednoglasno odlučila da se prihvati ponuda ponuđača E3 d.o.o. koji je bio prvorangirani nakon provedene e-aukcije;
- da su nakon prijema Odluke o izboru najpovoljnijeg ponuđača, ponuđači: SHOT d.o.o., i E3 d.o.o. zatražili uvid u ponude;
- da je dana 27.10.2023. godine na protokol ugovornog organa zaprimljena žalba na navedenu Odluku o izboru najpovoljnijeg ponuđača od strane ponuđača SHOT d.o.o. Zenica;
- da je nakon ponovnog pregleda i ocjene ponuda svih ponuđača koji su učestvovali na e-aukciji, održanoj dana 16.10.2023. godine (E3 d.o.o., AGENCIJA KAMIR d.o.o., SHOT d.o.o. i NEXIS d.o.o.), Komisija utvrdila da ponuda ponuđača E3 d.o.o. nije kvalifikovana i da je nepravilna iz razloga što navedeni ponuđač nije ispunio sve zahtjeve tražene tenderskom dokumentacijom odnosno ponuđač E3 d.o.o. Sarajevo je dostavio nepotpun traženi dokaz po pitanju tehničke i profesionalne sposobnosti iz tačke 3.2 pod a) TD odnosno u svojoj ponudi je dostavio prevod tehničke specifikacije na jednom od službenih jezika u Bosni i Hercegovini ovjeren od strane sudskog tumača engleskog jezika, ali nije dostavio i original tog prevoda originalnog kataloga na stranom (engleskom) jeziku što je bio zahtjev;
- da je nakon ponovnog pregleda i ocjene svih ponuda, Komisija utvrdila da ponude ponuđača AGENCIJA KAMIR d.o.o., SHOT d.o.o. i NEXIS d.o.o. ispunjavaju sve

zahtjeve u pogledu opisa predmeta nabavke i tehničkih specifikacija, traženih tenderskom dokumentacijom i njenim izmjenama;

- da je nakon ponovnog pregleda i ocjene ponuda svih ponuđača, koji su učestvovali na e-aukciji (E3 d.o.o., AGENCIJA KAMIR d.o.o., SHOT d.o.o. i NEXIS d.o.o.), održanoj dana 16.10.2023. godine, ugovorni organ donio Rješenje, broj: 06-11-1159-15/23 od 01.11.2023. godine, kojim se djelimično usvoja žalba ponuđača SHOT d.o.o. Zenica uložena na Odluku o izboru najpovoljnijeg ponuđača, broj: 06-11-1159-10/23 od 16.10.2023. godine;
- da se stavlja van snage Odluka o izboru najpovoljnijeg ponuđača, broj: 06-11-1159-10/23 od 16.10.2023. godine i da će se nakon pravosnažnosti Rješenja, u skladu sa odredbama ZJN i podzakonskim aktima nastaviti predmetni postupak javne nabavke.

Nakon što je Rješenje, broj: 06-11-1159-15/23 od 01.11.2023. godine postalo pravosnažno, ugovorni organ je nastavio predmetni postupak javne nabavke u skladu sa odredbama ZJN i podzakonskim aktima (18.12.2023. godine Agenciji za javne nabavke upućen zahtjev za poništenje e-aukcije održane 16.10.2023. godine i zakazivanje nove e-aukcije).

S tim u vezi, Agencija za javne nabavke je dana 21.12.2023. godine obavijestila ugovorni organ da se radi o opravdanom slučaju, te da se udovoljava zahtjevu za ponovno zakazivanje e-aukcije u predmetnom postupku javne nabavke i zakazala je ponovnu e-aukciju za utorak 26.12.2023. godine u 10:00 sati.

Ponovna e-aukcija je održana u zakazanom terminu u skladu sa odredbama Pravilnika o uslovima i načinu korištenja e-aukcije. nakon okončane e-aukcije, utvrđeno je iz Izvještaja o toku i završetku e-aukcije, da je ponuđač SHOT d.o.o. Zenica podnio najnižu cijenu ponude u iznosu od 59.480,00 KM bez PDV-a i da je prema kriteriju za izbor (najniža cijena) njegova ponuda rangirana na prvom mjestu.

U postupku donošenja ove Odluke, posebno su cijenjene činjenice da je Komisija za nabavke u skladu sa kriterijima iz tenderske dokumentacije, a nakon djelimično usvojene žalbe pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda.

U postupku ocjene provedenog postupka predmetne nabavke, rukovodilac ugovornog organa nije našao razloge nepravilnosti niti propuste u radu, koje bi eventualno bilo osnov za neprihvatanje Preporuke Komisije za nabavku.

Naime, u postupku je ocijenjeno da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima, tenderskom dokumentacijom i provedenom e-aukcijom.


Iz navedenih razloga, primjenom člana 64. stav (1) tačka b), člana 70 st. (1), (3) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba najkasnije u roku od 10 dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.



Dostavljeno:

- Svim ponuđačima
- Sektor za materijalno-finansijske poslove KUCZ KS
- Ministarstvu finansija Kantona Sarajevu
- a/a